

偃師縣志卷三

翰林院編修孫星衍

同纂

偃師縣知縣湯毓偉

齊川志

屬

北邙山一曰邲山一曰平逢山在縣北二里

中山經縞羝之首曰平逢之山南望伊洛北望穀城
之山無草木無水多沙石

左傳昭二十四年王田北山杜預注北山洛北芒也

元和郡縣志偃師縣北邙山在縣北二里西自洛陽

縣界東入鞏縣界舊說云北邙山是隴山之尾乃衆山總名建亘修互四百餘里

太平寰宇記偃師縣北邙山在縣北二里洛陽縣北邙山一名邙山在縣北十里一名平逢山亦邙山之別名也

元豐九域志偃師縣有北邙山

舊志邙山在治西北保駕莊北者曰鳳皇山上有馮熙冢本名馮王山東二里有師子山世傳明時有仙人騎鹿過其上蹄痕入石寸許南二里許爲峩峩山兩山對列如楹

兩山對列如眉

山一曰首山一曰蕢山在縣西北二十八里

文選注論語比考識仲尼曰吾聞堯率舜等升首山
觀河渚乃有五老遊渚五老曰河圖將浮龍銜玉苞
刻版題命可卷金泥玉檢封書成知我者重瞳黃姚
視五老飛為流星上入昴

中山經中次三經蕢山之首曰敖岸之山又云和山
吉神泰逢司之其狀如人而虎尾是好居於蕢山之
陽出入有光

水經注河水又東逕平縣故城北河水南對首陽山
春秋所謂首戴也夷齊之歌所矣曰登彼西山又云

呂氏春秋曰夏后氏孔甲田於東陽黃山遇大風雨
迷惑入於民室皇甫謐帝王世紀以爲卽東首陽山
也蓋是山之殊目矣昔帝堯修壇河洛擇良議沈率
舜等升於首山而導河渚有五老遊焉相謂河圖將
來告帝以期知我者重瞳也五老乃翻爲流星而升
於昴卽於此也

隋書地理志偃師有首陽山鞏有東首陽山

元和郡縣志偃師有首陽山在縣西二十五里

太平廣記後魏明帝正光二年夏六月首陽山中有
曉虹下飲於谿泉有樵人楊萬於嶺下見之良久化

爲女子年如十六七異之間不言乃告蒲津戍將軍
文顯取之以聞明帝召入宮見其容兒姝美問云我
天女也暫降人間帝欲逼幸其色甚難乃令左右擁
抱聲如鐘磬化爲虹而上天出入廟窮經錄

元豐九域志偃師有首陽山

舊志有枕頭及羊蹄諸峯東有九龍山下有天平嶺
又東二里許爲銚鉞嶺又東三里爲龍虎窟東七里
爲磨盤山又東五里爲靈龜山又東九里爲石崗隋
壁危巒互七八里

星衍按今縣南有夏后邨疑卽孔甲入於民室之遺

陟也隋志分東首陽山入鞏蓋其連麓太平寰宇記
云虹化美女之事乃竊告蒲津戍將則是蒲州首陽
故事誤入此明一統志云詩采苓采苓首陽之巔卽
此考詩傳云首陽山名也孔穎達正義云在河東蒲
坂縣南則非此名矣

半石山在縣東南五十里

中山經半石之山其上有草焉生而秀其高丈餘赤
葉赤華華而不實其名曰嘉榮服之不寔

水經注伊尹又北逕高都城東來儒之水出於半石
之山

太平寰宇記緱氏縣半石山在縣南十五里

金史地理志偃師有半石山

府志半石山卽萬安山一名石林山

舊志萬安山在縣南五十里九峯相連一名九龍山
東北有黃麓岡迤西有大廟嶺小廟嶺

緱氏山在縣南四十里

劉向列仙傳王子喬見桓良曰告我家七月七日待
我於緱氏山巔至時果乘白鶴駐山頭望之不得舉
手謝時人數日而去

水經注休水又東屆零星塢水流潛通重源又發側

緱氏原開山圖謂之緱氏山也亦云仙者升焉言王
子喬控鶴斯阜靈王望而不得近舉手謝而去其家
得遺屣俗亦謂之爲撫父堆堆上有子晉祠或言九
山非此世代已遠莫能辨之劉向列仙傳云世有簫

管之聲焉

此句列仙傳今說

元和郡縣志緱氏縣緱氏山在縣東二十九里王子
晉得仙處

太平寰宇記緱氏縣緱氏山在縣東南二十里山上
有石室飯鶴池按盧氏嵩山記云覆釜堆亦名赴父
堆卽緱氏嶺也

明一統志緱氏在縣南四十里

景山在縣南二十里一日慎來山一日太平山

曹植洛神賦逕通谷陵景山李善注河南郡國經曰
景山緱氏縣南七里

隋書地理志緱氏有景山

唐書地理志緱氏有和陵在太平山本慎來山天祐
元年更名

太平寰宇記緱氏縣有景山在縣東北八里

舊志一名太子嶺詩商頌陟彼景山松栢九九唐太
子宏嶺在焉其峯最高者名潘家岡西爲白雲山雲

出卽兩山下有紫雲洞

星衍按明一統志方輿記要及通志皆云景山在縣南二十里詩景員維河卽此其說不經詩傳景大員均並非山名故太平寰宇記亦止以爲洛神賦之景山毓倬按白雲山西盡處其下有白雲洞巖壑竒秀深窅有寺觀可遊眺舊志誤爲紫雲洞

酈山

水經注陽渠水又東流逕漢廣野君酈食其廟南在北山上成公綏所謂偃師西也

隋書地理志偃師縣有酈山

脯山

隋書地理志偃師有乾脯山

太平寰宇記偃師縣有乾脯山九州要記云周敬王
於此曝乾脯因以爲名

河南府志疑卽景山

軒轅山在縣東南六十里

隋書地理志緱氏有軒轅山

通典緱氏有軒轅山

舊志西五里南折爲五華坪又西爲磨臍山

百坏山在縣南五十里

劉昭注郡國志緱氏案本紀有百坏山

舊志和帝幸此北有鳳皇崗主建少姨廟廟有透玲
碑光潤瑩徹如晶

覆舟山

太平寰宇記緱氏縣有覆舟山九州要記云昔廬口
登嵩嶽望覆舟如蟻垤黃河如帶又陶季述京邦記
云周回二十里下有林號白水苑是也

玉女山

太平寰宇記緱氏縣玉女山在縣東南三十五里

尸鄉北山

水經注此山卽祝雞翁之故居也搜神記曰祝雞翁者洛陽人也居尸鄉北山下養雞百年餘雞至千餘頭皆有名字欲取呼之名則種別而至後之吳山莫知所去矣

鳳臺山在縣東二十里

太平寰宇記緱氏縣鳳臺山在縣東三十里佛光谷內明一統志鳳皇山在縣東二十里

方輿紀要鳳臺山在偃師東二十里按鞏縣界本名訾玉山宋天聖八年建太祖太宗真宗會聖宮於上改名鳳皇山

靈龜山在縣北十里

宋燕府君神道碑唐許州司戶參軍燕欽融墓宋人
建會聖宮逼近墓乃遷於靈龜山東北去長宏墓七
百九十一步西去王弼墓五里十三步

浮山在縣西南九十里

通志浮山在縣西南九十里上有浮邱公廟

馬鞍山

舊志上有石室崖俗名瓦間堂下有燭光山石色青
赤五峯並列如炎火又西南五里爲鸚鵡背西爲巖
嶙山又西五里爲望軍樓山下有石洞又西四里

州寨山世傳懷王屯兵處又西十里爲封門口山又西五里爲將軍帽山西北爲師子谷有雞兒溝內有石類雞谷云能鳴又西五里爲素珠嶺又有兩崖曰石郊又西北五里爲焦山西南六里爲小陽山

青蘿山在縣西南五十五里

舊志上建祖師廟

中南山在縣西南

舊志相傳爲韓湘子煉丹處下有邨曰灰堆西北五里爲鳳皇坪

牛心山在縣西南五十五里

舊志以形似名西三里為箕掌嶺又西北為豹子嶺
西五里為浮山又西二里為虎元岡岡西三里為太
后岡有漢薄太后廟一名太尉岡

黃馬坂在緱氏保西北十里

太平寰宇記緱氏縣黃馬坂在縣西北十里戴延之
西征記云次蒯黃馬坂去計素濟十里即此是也

星衍按今縣西有黃鱗崖疑即黃馬坂馬鱗聲相近
雨水經注言河水又東經黃馬坂今在伊水上與古
不合

郭嶺坂在緱氏保東南三十七里

元和郡縣志緱氏縣鄂嶺坂在縣東南三十七里
八王故事曰范陽王保於鄂嶺坂後於其上置廟
輶轅坂

元和郡縣志緱氏縣輶轅山在縣東南四十里

亳阪

晉太康地記尸鄉南有亳阪

靈星隄

水經注休水北歷覆釜堆東又東屆靈星隄

太平寰宇記緱氏縣有靈星隄盧氏嵩山記云此隄
有道士浮邱公接太子晉登仙之所也

栢谷隄

水經注洛水又東逕栢谷隄戴延之西征記云塢在川南因高爲塢高十餘丈劉武王西入長安舟師所保也

太平寰宇記緱氏縣有栢谷塢戴延之西征記云塢在川南因原爲塢高數丈在縣東姚洸部將趙元成守爲壇王所破塢西有二寺在原上入谷數十步又有二佛精巧美利有牛脊馬鞍水碓之利

魏倬按晉書義熙十二年劉裕伐秦軍至成臯秦將洸鎮雒陽使趙元成栢谷塢以拒裕裕使毛德祖擊

敗之因營栢谷塢築三壘相連曰鈞鎖遂拔洛陽
裴灌少林寺碑記內云寺西北五十里有栢谷塢
峯合沓深谷逶迤複磴緣雲俯窺龍界高峯佛日旁
臨鳥道居晉成陽在齊爲郡王世充僭號署曰轅州
乘其地險以立烽戍將圖梵宮少林寺僧志惠暘曩
宗等率衆以拒執充姪仁則以歸太宗太宗嘉其義
烈頻降璽書賜地四十頃水碾一具卽栢谷莊也舊
志載卽緱氏鎮東七里之栢圪塢而未詳其形勝與
古相合童鍾修郡志遂以鞏縣百谷當之駁舊志爲
誤余心疑童說以修國乘因親勘焉由景山西麓入

谷峭壁夾峙，豁訝詰曲，虧蔽曠景，卽戴延之西征記所謂谷中無迴車地。巖間綠谷皆栢，今斫伐無餘。谷前爲塢，高十餘丈，俯臨休水。其巔有寺，人猶以隍上稱之，卽名勝志所謂塢西有寺。今寺左磴道螺旋下，躡無際老栢數株，盤拏譎詭，猶古時物。卽裴淮記中所謂高峯佛口傍臨鳥道者也。隍前休水平濶，卽西征記宋武帝舟師所堡。後唐太宗擊緱氏，沉運艘三十艘，應卽在此川之北。有壘二，其南壘一，皆濶十餘丈，與隍犄角，鈎連。卽宋武帝所設三鈎鎖壘，一壘亦南寺與。寰宇記：塢西有二寺，相合。年久，壘被水衝，

猶有雄槩塢左右馬家金家顧家等屯爲歷代耕
地卽唐賜少林寺之莊田登陽而望萬安少室羅
前伊洛休劉繞於右伊闕西連轅轅東峙負險阻深
有鯨呿虎踞之勢其後司馬徽所逃咸陽王熙所屯
宇文泰所攻王世充所立戊李密所控據皆在焉窺
東都趨陽城者必扼之以蓄批亢擣虛之勢後周嘗
自洛陽移緱氏縣於鈎鎖故壘是栢圪塢卽栢谷塢
攻古証今確然無疑童鈺旣未查休水入洛處與畫
縣界中隔景山相去二十餘里誤以景山東黎樹溝
水爲休水邈云陽在鞏偃交界休水上卽云休水古

獨入洛今改流會伊水入洛然皆近緱氏鎮數里內
爲偃師正中地豈有越景山以流入鞏縣界之理又
未查栢圪塹前休水平澗可容舟師誤云在重嶺絕
澗不可泊舟將水經注休水入洛水遶栢谷塢又會
陽渠水又北逕偃師次序紊亂改裴灌記中在少林
寺西北五十里爲東北改鈎鎖三壘爲二壘不知當
口何以堅執廻護若此今詳爲辨正於左惟述征記
以栢谷塢卽漢武帝微行逆旅主人不納之栢谷亭
細繹漢書上下文亭之地當在鄆杜上林間非偃師
栢谷塢耳至一統志以栢谷塢在宜陽則更荒唐無

足辨矣

洛洞

太平寰宇記偃師縣有洛洞劉義慶幽明錄曰洛下
有洞昔有婦人推其夫下岸乃得一穴行百餘里覺
踐如塵礫之裏以爲糧行至文州以問張華云洛洞
仙人所處在縣東南

通志浮邱洞在縣東南浮邱修道之所

星衍按浮邱洞卽洛洞也

石室在縣東南

太平寰宇記劉澄之永初記云尸鄉有石室有仇生

者居焉

通志石室洞在縣南

僵人穴

水經注溫泉水側有僵人穴穴中有僵尸戴延之從劉武王西征記曰有此尸尸今猶在夫物無不化之理魄無不遷之道而此尸無神識事同木偶之狀喻其推移未若正形之速遷矣

毓倬按舊水經注刻作重人穴今从武英殿校本正作僵

石岡在鳳臺山東八里

石岡在鳳臺山東八里

舊志邙山少石惟此山石壁峭立峯巒蒼秀下
浴水與鞏縣黑石關東西相望俗名割截

參龍巖

舊志緱氏山其上多金玉少草木有參龍巖

星衍按卽劉累豢龍之地故偃師有劉累城有劉氏
後遷魯陽

委粟嶺在縣西南五十里

舊志云宋修陵採石委粟於此故名

香爐峯在縣東南六十里

通志在縣東南六十里其峯蒼翠峭拔狀似香爐

百里坪在縣南五十里

川屬

洛水自洛陽縣來東流伊水東北注之又東逕縣南休
來西北注之又東北屈曰曲洛又東與鄴水合曰鄴中
又東入鞏縣界

穆天子傳天子遊於黃澤宿於曲洛

水經注洛水又東過洛陽縣南伊水從西來注之又
東過偃師縣南酈道元注洛水逕百谷塢北又北逕
偃師城東東北歷鄴中

元和郡縣志緱氏縣洛水自西洛陽界流入

元和郡縣志緱氏縣洛水自西洛陽界流入

太平寰宇記偃師縣曲洛穆天子傳天子東遊於

曲洛今縣東洛北有曲河驛以洛水之曲爲

名洛經其南

元豐九域志偃師有曲洛

舊志洛水原出陝西洛南縣豕嶺山東流經盧氏永

寧宜陽洛陽至故洛陽城東義井舖南入偃師縣境

水經桑園頭岳家灘東一里許伊水自西南東注之

伊水自洛陽縣來東北流合水北注之又東入於洛

水經注地記曰洛水東入於中提山間東流會於伊

是也昔黃帝之時天大霧三日帝遊洛水之上見大

魚殺五牲以醮之天乃甚雨七日七夜魚流始得圖
書今河圖視萌篇是也昔王子晉好吹鳳笙招延游
士與浮邱同遊伊洛之浦含始又受玉雞之瑞於此
水亦洛神宓妃之所在也又云伊水自闕東北流枝
津右出焉東北引漑東會合水同注公路澗入於洛
今無水

通志楊柳渡在縣南卽伊洛會流之處

舊志伊水源出盧氏縣閼頓嶺流經宜陽嵩縣洛
山伊闕北轉折東又北至趙家寨入偃師縣境
登格厓渡東北逕佛灘頭東流逕段家灣北

音劉澗水自西來注之

不出縣西山右合雙泉單泉北流劉水西北注之又
北入於伊一曰公路澗一曰光祿澗

中山經半石之山合水出於其陰而北流注於洛多
鱗魚狀如鰕居達蒼文赤尾食者不癰可以爲瘦

水經注洛水又東合水南出半石之山北逕合水塢
而又東北流注於公路澗但世俗音譌號之光祿澗
非也上有袁術固四周絕澗有一水淵而不流故谿
澗卽其名也合水北與劉水合又北流注於洛水也
通典偃師縣西南有公路澗俗云光祿澗

太平寰宇記緱氏縣公路澗在縣西南三里

通志公路澗在縣西南

星衍按圖經栢葉溝出縣南山與雙泉單泉合北流
右合一水北入於洛卽合水也

童鈺曰按舊志誤以合水二源一爲合水一爲劉澗
水又誤以劉澗水爲休水與酈注不合由不知今緱
氏非古緱氏且不詳休水不入合水也又云按合水
出半石山今名青蘿山有二源一爲鮑魚溝水一爲
楊家溝水至姬家邨合流是爲合水旁有單泉注所
謂一水淵而不流者也

是荷按圖經合水經注則鮑魚溝水乃劉水也

本在縣西南五十里入於合水

水經注合水北與劉水合水出半石東山西北流逕劉聚三面臨澗在緱氏西南周畿內劉子國故謂之劉澗其水西北流注於合水

通志劉澗河在縣西南五十里周劉康公食邑於此舊志劉水源出縣南五十里青蘿山鮑魚溝水經注云水出半石東山西北流於劉聚三面臨澗在緱氏西南周畿內劉子國卽此今由孫寨西流而北崖東有雙泉又北至碾子河寺兒溝水自東南來入之寺

兒溝水出西九龍山下溝中有二源又北二里至姬家邨北楊橋溝水自西南來入之楊家溝水出青蘿山西北百步嶺有泉翻湧如沸土人呼爲將軍泉流經翟家寨西北流至姬家邨北與劉澗水會東崖有單泉廣丈餘深五尺世傳唐終南山王祖師尋其友張神童至此有金蓮七朶生於池內故亦名金蓮池攷水經注一水淵而不流今單泉水泓澄淵涵不流下注是矣單泉東半里卽劉水之源水經注云劉水出半石東山則半石山應在二水之間今二水相距約四五里中夾高阜俗呼爲鳳凰坪與水經注

水兩固四周絕澗迢遞百仞廣四五里正合知此卽
合水水經注云谿澗卽其名今水自姬家邨北與劉
水會又號劉澗河則是以谿澗劉水合而得其名也
北流自陶化店東南休水自東南來入之

童鈺曰劉水今馬澗河源出佛光谷名珍珠泉出東
西九龍口注於劉澗西九龍口卽半石東山

星衍按縣圖經梨樹溝水出馬鞍山西北流石合一
水曰鮑魚溝又西北至姬家邨入於合水卽劉水也
休水自登封來西北流左合一水又西北至縣南入於

洛

中山經少室之山休水出焉而北流注於洛其中多鱗魚狀如鰲蝓而長距足白而對食者無蠱疾可以禦兵

水經注洛水又東逕計素渚又東值偃師故縣南與緱氏分水又東休水自南注之其水道源少室山西北流逕穴山南又左會南谿水又西南北屈潛流地下其故瀆北屈出峽謂之大穴口北歷覆釜堆東又東屈零星隴水流潛通重源又發側緱氏原又逕延壽城南緱氏縣治又西轉北屈逕其城西又北流注於洛水

志休水源出縣東南六十里萬安山後谷栢葉
中西流佛光寺南寺前有白松樹皮類雪大十餘圍
有馬跑泉泉出平地世傳唐元奘自西域還所乘之
馬跑地得泉故名又有暖泉出寺北冬溫夏涼深丈
餘泉水湧翻如珠又名珍珠泉下流漑粳稻數畝合
馬跑泉注於休水再西三里馬鞍山水自南來會之
水經注云休水導源少室山西又左會南谿水發大
穴南山卽今馬鞍山北流入休水休水又西南北屈潛流
地下其故瀆北屈出峽謂之大穴口今按萬安山後
谷水正在少室之西至佛光谷西與馬鞍山南谿水

合水歸於北故謂西爲左水經注所言左會南谿水
卽此又由佛光谷西流六七里卽澗正其潛流地下
處兩山相對爲峽今水道正由萬安百坯兩山之間
北出下卽口子邨則所謂出峽爲大穴口此其是矣
北流經緱山西水經注休水北歷覆釜堆東疑西以
字訛物象受名一名撫父堆堆上有子晉祠今緱山上有
子晉廟唐武后碑存焉卽此又西北俗名馬澗河又
云拜澗馬河相傳子晉乘鶴升仙棄所乘之馬於此
鄉人拜之因名又西北至邱家灣水復出水經注
云發側緱氏原也屈而西經陳家河至緱氏鎮

一、造紙河又西由王家河至陶店南與劉溝
水經注休水又經延壽城南緱氏縣治西轉北屈
其城西又北流注於洛水今則經緱氏鎮北與劉溝
水會至段家灣東先會伊水後注於洛或古緱氏溝
非今鎮地古今陵谷變遷不同耳伊水又東屈而北
逕安家灘西由王家莊渡岳家莊渡東一里許與洛
水會洛水又東經棗莊渡楊邨渡東梨樹溝諸水入
之梨樹溝水出萬安山下西北流一里許黃龍泉自
東來會水出寨子邨東溝與梨樹溝相望遙隔一岑
再西北流經韋家嵒南至二龍溝夾溝水自南來會

之夾溝水源出夾溝邨西南萬安山下溝中西岸有
旅停廟又名旅停泉舊流至旅停廟北半里許卽潛
地下至夾溝橋下復出乾隆元年不復潛流橋下與
橋下泉水合至二龍溝與梨樹水會北流至府店鎮
東經望仙橋北靈泉水自東流注之

毓倬按出萬安山中之水有二西爲休水由緱山西
流逕栢谷塢西段家灣會伊水洛東爲梨樹溝水由
緱山東流逕古滑城又名滑城河下二龍溝至史家
灣繞楊邨入洛與休水上隔緱山下隔景山東西
距三十里童鈺謨指梨樹溝爲休水不可從

距三十里童鉅誤指梨樹溝爲休水不可從

水在縣東北十一里與鞏縣分界南入於洛一曰温泉

左傳昭二十三年郊鄆潰杜預注河南鞏縣西南有地名鄆中

說文鄆周邑也

郡國志鞏有鄆谷水

水經注洛水又北逕偃師城東東北歷鄆中水南謂之南鄆亦曰土鄆也逕訾城西司馬彪所謂訾聚也而鄆水注之水出北山鄆谿其水南流世謂之温泉鄆水又東南於訾城西北東入洛水故京相璠曰今

鞏洛渡北有鄆谷水東入洛謂之下鄆故有上鄆下鄆之名亦謂之北鄆於是有南鄆北鄆之稱矣

括地志溫泉卽鄆谿出洛州鞏縣西南四十里又云又有故鄆城在鞏縣西南五十八里按洛州緱氏縣東南四十里與鄆谿相近之地

明一統志鄆谿在縣東北一十四里有蓮池夏冷冬煖舊志鄆水其源有二俱在邙山之麓一出縣東十八里溫泉寺一出縣東十五里溫泉寺旁康熙初知縣崔鳴鶯疏濬開渠民資灌溉其出孫家溝者首出八里許與此水會南流入洛

水會南流入洛

半馬澗在縣南三十里一曰百馬澗二曰拜馬澗

太平寰宇記緱氏縣有半馬澗按盧元明嵩山記云
半馬澗人或云百馬澗亦曰拜馬澗古老傳王喬得
仙而馬還國人思之不見乃拜其馬於此也按在佛
光谷下徹公路澗

明一統志拜馬澗在縣南三十里

洛鹿澗在縣南三十五里

嵩山記王子晉學道於洛鹿澗澗旁有靈星塢

明一統志洛鹿澗在縣南三十五里

七里澗在縣西故穀水

水經注穀水又東注鴻池陂其水又東合七里澗晉
後略曰成都王使吳人陸機爲前鋒都督伐京師輕
進爲洛軍所乘大敗於鹿苑人相登躡死於塹中及
七里澗澗爲之滿卽是澗也穀水又東逕偃師城南
又東流注於洛水矣

計素渚在縣境

水經注洛水又東逕計素渚中朝時百國貢計所頓
故渚得其名又直偃師故縣南與緱氏分水

太平寰宇記戴延之西征記云次前至黃馬坂去計
素渚十里

皇行按西征記云黃馬坂去計素清十里則此坂也
今黃蟒崖也蟒馬聲相近而水經注以黃馬坂爲河
水所逕與今伊水上坂不合未知何故

賀瀟谿在緱氏保南四十里

太平寰宇記緱氏縣瀟谿在縣南八里

舊志瀟谿舊云在縣南四十里今無考

雙泉在縣南六十里俗曰甘露泉

太平寰宇記緱氏縣雙泉在縣南十里

明一統志雙泉在縣南二水並出

通志甘露泉在縣南細流如綫其味苦

舊志甘露泉出縣南六十里熒光山

靈泉在縣南三十五里

宋政和四年張樾撰碑云崧高之下曰緱氏山距山不遠遺冢具存民俗傳爲浮邱藏劍之所卽其巔構祠以祀焉政和二年夏六月泉出庭下澄澈如鑑禮甘過飴映帶清流人初易之俄鷗鳧泳者輒死病者請禱飲之卽愈

舊志靈泉出水源出府店鎮東靈泉溝宋時始出禮甘如飴張樾有記久涸乾隆初復出經浮邱公廟前與梨樹溝水會爲五龍口西迤達府店鎮北風而西

與梨樹溝水會爲五龍口西迤遶府店鎮北屈而西
北至江邨寨北滑城泉自東來注之又有乾河自東
北通焉乾河出鞏縣鳳凰山經偃師韓家莊與此水
會山雨泛漲則水大至非雨常涸又西北流經馬家
屯折而東北經鞏縣李家屯折而西又折而東北經
顧家屯燒灰埕至史家灣東折而西北東注於洛
舊云乾河在治南史家灣北入伊洛蓋以其時諸水
俱涸故也河東有鞏偃交界碑康熙二十五年立洛
水又東至孫家灣東鄆溪水自北來注之

二龍溝水出縣北二里邨山麓

舊志二龍溝水源出治北二里許邨山之麓有潭澄

澈如鑑禱雨輒應康熙初知縣崔鳴鶯濬䟽成渠南
流遶白虎堰西折而東逕王公堤前與湯王溝水合
今澗

毓倬按乾隆二十六年溝水衝北城知縣王垂絡鑿
渠重建二橋使安流入洛今利之

湯王溝水出縣東北四里邨山南麓

舊志湯王溝水源出治東北四里邨山南麓湯王廟
前有潭深丈餘知縣崔鳴鶯與二龍溝水同時疏濬
成渠流經王公堤外南與二龍溝水會入洛後澗乾
隆八年復出南流里許而止

五龍廟溝水出縣東北十五里邨山南麓

舊志五龍廟溝水源出治東北十五里邨山南麓有泉南流里許而止

五龍潭在縣西南七十里

舊志五龍潭水深丈餘澄澈如鑑旱潦無增減禱雨輒應

黑龍泉在縣西北二十里首陽山

舊志黑龍泉在治西北二十里出首陽山元帝廟下國初其水甚大某年枯雍正復出南流里許而止

冷水洞在縣南府店東望嵩橋下

舊志冷水洞在縣南府店東望嵩橋下有池水冷切
入骨今涸

鸞猪洞在縣南仙君保

舊志鸞猪洞在縣南仙君保昔有鸞猪處此土人獲
之故名未詳何處

牛角川在縣南二十五里

舊志牛角川在縣南二十五里以形名今無攷

張公泉在縣南緱氏保

舊志張公泉在縣南緱氏保俗傳宋時有張公取飲
之故名今涸

通仙洞在縣南石橋保

舊志過仙洞在縣南石橋保其洞可通人行一名
山洞未詳何處今首陽山羊蹄峯東有黑山凹雍正
初土人掘石得洞取火視之其中寬者數丈狹者纔通
人行咸有劈鑿痕行二里許火滅不敢復前不知深
幾里也疑卽此洞土人出卽封其口今不復識

陽渠自洛陽來經縣境一曰九曲瀆

水經注洛水逕百谷塢北洛水又北陽渠水注之洛
水又北逕偃師城東又云穀水又自樂里道屈而東
出陽渠又東逕馬市石橋是渠今引穀水按陸機洛

陽記劉徵之永初記言城之西面有陽渠周公制之也亦謂之九曲瀆故河南十二縣境簿云九曲瀆在河南鞏縣西西至洛陽又按傅暢晉書云都水使者陳狼鑿運渠從洛口入注九曲至東陽門是以阮嗣宗詠懷詩所謂朝出上東門遙望首陽岑又言遥遥九曲間裴回欲何之者也又云陽渠水又東流逕漢廣野君鄴食其廟南廟在北山上成公綬所謂偃師西山也陽渠水又東逕亳殷南

星衍按晉廢偃師則鞏縣與洛陽接境河南十二縣竟簿云九曲瀆在鞏縣西西至洛陽則正經偃師縣

水經注伊水自闕東北流枝津右出焉東北引漑
水經注伊水自闕東北流枝津右出焉東北引漑

會合水同注公路澗入於洛今無水戰國策曰東周
欲爲田西周不下水蘓子見西周君曰今不下水所
以富東周也民皆種他種欲貧之不如下水以病之
東周不必復種稻種稻而復奪之是東周受命於君
矣西周遂下水卽是水之故渠也伊水又東北枝渠
左出焉水積成湖北流注於洛今無水

星衍按東周卽鞏縣也伊水右枝渠當起洛陽入偃

師與公路澗合水會又東當與休水會乃入鞏縣界
所謂下水東周也

童鈺曰合水者今段家灣水也上爲公路澗伊水不
能與合水同注深澗合水出澗口乃得合流鄭注文
當有誤又云道元時伊洛在洛陽合流今伊入洛注
偃師正南側伊水左枝渠亦偃師水利所必講不遺
右枝渠也

通濟渠

隋書煬帝紀大業元年三月發河南諸郡男女百餘
萬開通濟渠自西苑引穀洛水達於河

德元年九月世充出師擊密癸丑至偃師
於通濟渠南作三橋於渠上

方輿記要通濟渠在偃師縣南故陽渠也隋時修導
之

通山溝在縣西北三十里南起邙山北通孟津疑古九
水

明一統志通山溝在縣西北三十里深二丈濶百尺
南起邙山北通孟津

方輿記要昔以邙山澗谷之水并流入洛每遇霖潦
輒致泛溢因此爲溝導之入河

星衍按中山經和山實惟河之九都五曲九水出焉
合而北流注於河水經注河水逕平縣故城東又東
溴水入焉或以爲卽通山溝未敢定之

王公堤在縣城外長九里濶二丈明知縣王環所築
白虎堰在縣北

舊志黑龍溝水衝城爲害元元統間築堤橫當城門
西折南障溝水東西分流環縣城至許家莊合流入
洛

二龍溝水渠在縣北湯王溝水渠在縣東北

舊志二龍溝水南流逶白虎堰西折而東逕王公堤

前與湯王溝水合而入洛康熙初知縣崔鳴鶴
渠

井舊志有二一在石橋鄉人孫氏所鑿一在治西三
十里馮王廟前鄉人所鑿以濟大道行人之渴

烈婦井在縣南金程晉妻死所

通志烈婦井在縣南金程晉妻彭氏爲軍士所迫欲
汚之投井死因名之

城內烈婦井

舊志崇禎間烈婦蘭氏死節之旌

井渠在縣境

星衍按井渠始自漢河渠書云發卒萬餘人穿渠自
徵引洛水至商顏下岸善崩深者四十餘丈徃徃爲
井井下相通行水井渠之生自此始是也此龍首渠
今在陝西同州予以乾隆五十一年四月至雍返豫
道出偃師於時天久不雨自關以外麥苗黃落惟偃
師境中多有井渠施水車鹿盧駕以牛馬四圍隴畝
藉以灌溉青苗蔚然異於他縣乃知井渠之益特察
其田疇自是富家之產民間無力穿井故其利不廣
偃師城南伊洛交會伊水在右枝渠東出又古者隍
渠經歷之處數水亦至此焉所謂七里澗也如得良

穿經厓之處水亦至此焉所謂七里澗也如得良

有司致求溝洫故道並爲堤堰則水旱可以無虞
國策東西周下水之勢仿周公陳狼九曲故瀆之
迹豈非立功勤民之急務與或復畏難則偃師地近
伊洛谿澗四州江南水車之法疑亦可率民行之又
皆邊土水開穿丈許便可得泉所在井渠是其明効
若爲籌鑿百數十井並買器具資民運用以防旱燥
亦一時之利予所以於縣中故渠采摭書傳以俟民
之父母加意於斯往在關中巡撫畢公欲通長安城
南隋龍首故渠屬余作漕渠攷綜核古今瞻眺地勢
並手圖漢唐故道呈之於公會公移鎮中州其事遂

寢公嘗留意溝瀆曾奏修涇陽鄭白故渠及各府縣
水利民獲其益今來中州新政之美聞於朝野會與
余論井渠之法及言偃師地勢又三致意焉余退而
致之如右